

**ԴՅՈՒՂԱՑԻԱԿԱՆ ՇԱՐԺՈՒՄԸ
ԻՐԱՆԱԿԱՆ ԱԴՐԲԵՋԱՆԻ ՄԱԿԱՎԱ ՄԱՐԶՈՒՄ 1907 Թ.**

Խ. Հ. ԱՎԴԱԼԲԵԳՅԱՆ

1. Մակվա խանության առաջացումը

Մակվա մարզը՝ գտնվում է Իրանի (Պարսկաստանի) հյուսիս-արևմտյան ծայրանկյունում՝ Փոքր Մասիսից հարավ-արևելք ընկած տարածության վրա, Արաքսի աջ ափին։

Տաճկաստանի ու Ռուսաստանի սահմանների արանքում գտնվող, Թեհրանից ու Թավրիզից հեռու ընկած ու նրանց հետ քիչ թե շատ հարմար ճանապարհով չկապված, հիմնականում լեռնային այս մարզում XIX դարի սկզբին դրության լիակատար տերն ու տնօրենը սարդարն (մարզպան) ու խաներն էին։

Իրանի կենտրոնական կառավարության գոյությունն արտահայտվում էր Ռուսաստանին ու Տաճկաստանին սահմանակից մի քանի կետերում միայն, որտեղ կային սահմանապահ ու մաքսային պաշտոնյաներ։

Ամբողջ Մակվա մարզը XIX դարի վերջերին ոչ մի հարկ ու տուրք չէր վճարում Իրանի կենտրոնական կառավարությանը, եթե հաշվի չառնենք այն, որ սարդարները մերթ ընդ մերթ հպատակային երկրպագությամբ ու մեծամեծ նվերներով ներկայանում էին Թեհրան՝ չահնշահին կամ Թավրիզ գահաժառանգին։

Մակվա մարզի բոլոր գյուղերը, առանց բացառության, դարձել էին մանր ու մեծ խաների ժառանգական սեփականություն, ըստ որում առյուծի բաժինը պատկանում էր հենց իրեն՝ սարդարին, որն ուներ երեք հարյուրից ավելի գյուղ։

Բոլոր խաներն արենակցական կապերով միացած էին։ Նրանք բոլորն էլ սերված էին Ալի-խանի ընտանիքից. XIX դարի սկզբներին Ալի-խանը Թեհրանի կողմից հաստատվել էր Մակվա մարզի պետի՝ սարդարի պաշտոնում։

Սարդար Ալի-խանի մասին Հայկական մարզի շնորհալի պատմաբան Ի. Շոպենը 1830-ական թթ. համար արձանագրել է. «Այստեղ պետք է հիշատակել նաև Խոթի մհալը (գտնվում է Արաքսի ձախ ափին՝ Շարուրի ու Նախիջևանի միջև ընկած տարածության վրա — Խ. Ա.), ուր ամեն ձմեռ քշվում-բերվում են Մակվա Ալի-խանին պատկանող խաշների բազմաթիվ հոտերը»²։

Այն ժամանակ Մակվա մարզի բոլոր գյուղերը պետական են եղել, գյուղացիությունը գանձարանին վճարել է բնատուրք՝ բՆՔԻ տասանորդի չափով։

Խանական-ֆեոդալական հողատիրությունը դեռևս չէր առաջացել։

Սակայն, օգտագործելով կենտրոնական իշխանության թուլությունը. օգտվելով մարզի աշխարհագրական մեկուսացած դիրքից, շատ զգալի չափով կրելով ցարական Ռուսաստանի ֆեոդալական ազդեցությունը, ընդարինակելով հենց սահմանակից Երևանի ու Նախիջևանի նորելուկ կալվածատերերին՝ ինքնակոչ խաներին ու բեկերին, սարդար Ալի-խանն ու նրա ժառանգորդ-

¹ Հայաստանի աշխարհագրության ու պատմության մեջ այժմյան Մակվա մարզը կոչվել է Արտազ գավառ, որի մերձմասիսյան սահմաններում էին գտնվում Ալաբայրի դաշտն ու Տղմուտ գետը։

XIX դարի սկզբին Մակվա մարզում դեռևս կային բավական թվով հայաբնակ վայրեր՝ հայկական անուններով, ինչպես օրինակ՝ Անձուկ, Գաջուտ, Հասուն, Փառախոտիկ, Օղակ և այլն։

Ռուս-պարսկական վերջին՝ 1826—28 թթ. պատերազմին հաջորդած հայկական մեծ արտագաղթից հետո (դեպի Ռուսաստանին միացված երկրամասերը) ամբողջ Մակվա մարզում հայ բնակչություն մնացել էր միմիայն Մակու քաղաքում և Քիշմիշթափա ու Վանք գյուղերում։

² И. Шопен, Исторический памятник состояния Армянской области, Петербург, 1852, էջ 522։

ները, Թեհրանի ու Թավրիզի ազդեցության աստիճանական վերացման կարգով, շուրջ մեկ դարի ընթացքում իրենք փաստորեն յուրացրին, նաև իրենց ցեղակիցներին պարզեցին Մակվա մարզի բոլոր գյուղերն ու հողերը:

Սարդար Ալի-խանի տոհմի մեծ ու պատիկ խաներն ու խանումներն էին Մակվա ամբողջ մարզի գյուղերի ու բոլոր հողերի ֆեոդալական տերերը XX դարի սկզբին:

Նրանց անունով էր, որ իրանական այդ մարզն սկսել էր կոչվել Մակվա խանություն՝ ցարական Ռուսաստանում ընդունված տերմինաբանությամբ:

2. Մակվա մարզը կապիտալիստական ռաբբերությունների ոլորտում

Արդեն XIX դարի վերջերին Մակվա մարզի գյուղացիությունը տնքում էր խաների ահռելի շահագործման ներքո: Այդ շահագործումը գնալով ավելի էր սաստկանում՝ կապիտալիստական տնտեսության ներխուժման հետևանքով: Ուժեղանում էին շուկայական հարաբերությունները՝ նախկին բնատնտեսական միջավայրում: Առևտուրն ու հաղորդակցությունը Ռուսաստանի հետ տարեց-տարի ծավալվում էին, նամանավանդ Ալեքսանդրապոլ — Երևան — Զուլֆա երկաթուղագծի կառուցումից հետո: Գնալով մեծանում էին Արաքսի ձախ ափից նավթ, շաքար, ճոթեղեն, երկաթեղեն և շատ ուրիշ ապրանքներ բերող քարավանների շարքերը:

Մակվա մարզն իր ամբողջ տնտեսությամբ և առևտրով ամենից ավելի կապված էր Ռուսաստանի հետ, որը հախուռն կերպով ընթանում էր կապիտալիստական վարդապետական ուղիով: Դեպի ցարական Ռուսաստանն էր ուղղված նաև ֆեոդալների՝ խաների հայացքը: Հենց ինքը՝ սարդար Մուրթուզա-Կուլի խանն սղդակցական սերտ կապ էր հաստատել Երևանի խոշոր կալվածատեր փանահ խանի հետ, որի միջոցով շփվում էր ցարական բարձր ատյանների հետ: Նա յուր ոսկու հարստության զգալի մասը պահում էր ռուսական պետական բանկերում (Երևան ու Խիֆիս):

Ռուսաստանի հետ ունեցած բոլոր կապերը նախ և առաջ շափազանց մեծացրել էին խաների կենցաղային պահանջմունքները: Հինավուրց շենքերը, կահույքը, հագուստեղենը, մառանն ու խոհանոցն այլևս չէին բավարարում խաներին: Կառուցվում ու կահավորվում էին նոր պալատներ՝ հվրոպական ձևով: Սարդար Մուրթուզա-Կուլի խանի՝ Բախաշուղ ամառանոցում կառուցել տված նոր ամարաթը (դղյակը), օրինակ, կարող էր մրցել Ռուսաստանի խոշոր քաղաքների լավագույն շենքերի հետ (առաջին երկհարկանի, թիթեղածածկ շենքը Մակվա մարզում): Այդ միևնույն ամառանոց-դղյակի փառահեղ դահլիճը պարզարելու համար Ռուսաստանում պատվիրված միայն երկու մեծ հայելիների ու կահույքի համար սարդար Մուրթուզա-Կուլի խանը վճարել էր մի քանի հազար ռուբլի ոսկով: Այդ հայելիներն Արաքսի ափից մինչև Մուկու հասցնելն օլամի (պարհակ) նոր դուռ էր բաց արել ճանապարհին ընկած գյուղերի համար, քանի որ անհրաժեշտություն էր զգացվել ուղի չարթել ու կաբգավորել հայելիները փոխադրող առաջին ֆուրգոնների համար:

Չափազանց մեծացել էին խաների ապրուստի ու վայելքների հետ կապված ծախսերը: Մահմեդական կրոնի արգելանքին հակառակ՝ ակոհոլի գործածությունը սովորական երևույթ էր դարձել խաների շրջանում: Ռուսաստանից և Թուրքիայից ստացվում էին թանկարժեք կոնյակներ, իսկ տեղում՝ իրանական ընտիր շամիչից թորվում էր թունդ օղի (բաշ արաղ): Իրենց սանձարձակ պահանջմունքներին ու կրքերին հագուրդ տալու բնագավառում նեղվելով տեղական միջավայրի ճնշումից՝ խաները բուժվելու կամ մի այլ պատրվակով մեկնում էին Ռուսաստան (Երևան ու Խիֆիս, մասամբ էլ Նախիջևան) և այստեղ անկաշկանդ մատնվում էին խրախճանքի ու ցոփության:

Այս բոլոր ճոխությունների և նոր վայելքների համար պահանջվում էր հնչուն դրամ, որի միակ աղբյուրը խաների համար՝ իրենց բացարձակ կամայականությանը մատնված իրավագույրկ գյուղացիությունն էր:

3. Գյուղացիական տուրքերն ու պարտույթները

Մակվա մարզում խաների սահմանած գյուղացիական տուրքերի ու պարտույթների մասին տվյալներ չկան:

Այդ բնագավառում գոյություն ունեցած փաստացի դրությունը պատկերելու համար առաջ եմ բերում ընդհանուր տեղեկություններ մի գյուղի վերաբերյալ, որի հողատիրական պայմաններ

րը լինելով նույնը, ինչ Մակվա մարզի բոլոր գյուղերում, ինձ շատ լավ ծանոթ են եղել մանուկ հասակից ի վեր:

Քիչմիշթափան էր այդ գյուղը. որտեղ հաստատվել ու հողագործությամբ էր զբաղվում անցյալում դարբին իմ հայրը: Քիչմիշթափա գյուղը տեղադրված է Մակու քաղաքի հյուսիս-արևմտյան կողմում, 16 կիլոմետր հեռավորության վրա, 50 տուն հայ բնակչությամբ: Հայկական գյուղն օրինակ վերցնելը բնավ չի փոխում, ավելի ևս չի սաստկացնում գյուղացիական տուրքերի ու պարտույթների համընդհանուր պատկերն լսմբողջ Մակվա մարզի անխտիր բոլոր գյուղերի համար, քանի որ բեկորացած հայ բնակչության նկատմամբ տնտեսական ասպարեզում խտրականություն կամ հատուկ ձևչում չենք նկատել Իրանի այս մասում:

Թվարկեմ Քիչմիշթափա գյուղի տուրքերն ու պարտույթները սարդար Ալի-խանի թոռ Այպար-խանի հանդեպ:

ա) 1900—1907 թթ. Քիչմիշթափա գյուղի հողագործները գյուղատեր Այպար-խանին վնասում էին բահրա կամ բնատուրֆ՝ ամեն տեսակի ցանեերից ստացված բերքի մեկ հինգերորդ մասի՝ հնգնորդի չափով³: Բահրայի գանձումը լիովին ապահովելու համար Այպար-խանը Քիչմիշթափայի բահրան ամեն տարի տալիս էր վարձակալության: Հունիս-հուլիս ամիսներին, երբ հունձն արդեն մոտեցած էր լինում, գյուղի բահրան վարձակալել ցանկացողները գալիս էին ստուգելու ցանքերի տարածությունն ու դրությունը և որոշելու սպասվող բերքի մոտավոր չափերը: Այսպիսի ստուգումներից հետո այցելուներից յուրաքանչյուրը ներկայանում էր գյուղատեր խանին և առաջադրում յուր պայմանը: Խանն ամենից շատ բահրա առաջարկող, բայց միշտ վճարունակ անձին տալիս էր տվյալ տարում գյուղից բահրա գանձելու արտոնագիր: Եթե եղած առաջարկներից ոչ մեկը որևէ պատճառով ընդունելի չէր լինում խանի համար, այդ դեպքում նա գյուղի տվյալ տարվա բահրան գանձելու գործը հանձնարարում էր յուր պատասխանատու ծառաներից մեկին: Բահրա գանձողը կոչվում էր շահնա: Բերքահավաքից մեկ-երկու շաբաթ առաջ շահնան գալիս էր գյուղ ու հսկում, որպեսզի ամբողջ բերքն ուղղակի կալ բերվի, ոչ մի խուրձ տուն չտարվի: Կալերն էլ տեղադրված էին գյուղի բնակելի շրջագծից դուրս գտնվող, բոլորովին առանձնացած տարածության վրա: Կալսումն սկսվելու պահից ի վեր շահնան դիտում ու հսկում էր, որպեսզի կալերից ոչինչ չտարվի տները: Արևամուտից հետո, երբ կալսման աշխատանքները դադարեցվում էին բոլոր կալերում, շահնան գյուղացիների ձեռքով չափում էր պատրաստի շեղքերն ու վերցնում հնգնորդ-բահրան: Չչափված ու լիովին չգտված շեղքերը շահնան դաջում էր, որպեսզի հացահատիկն առանց բահրայի հատուցման տուն չտարվի: Շահնան դաջն ստանում էր գյուղատեր խանից: Դաջը փայտից շինված ու մալալի նմանվող մի հարմարանք էր՝ կիսադյուսի մեծությամբ. նրա վերևի կողմում ամրացված էր բռնակը, իսկ ներքևի կողմում մեխված էին փայտածողիկներից շինված նախշեր: Հացահատիկի վրա դնելու և թույլ կերպով սեղմելու դեպքում դաջը գոյացնում էր յուրահատուկ կնիք: Շահնան սովորաբար դաջում էր շեղքի շրջագծին ու զազաթը, իսկ մեծ շեղքեր եղած ժամանակ՝ նաև շեղքագոտին: Դաջվում էր նաև կիսավարտ էրանը, որտեղ հատիկն զգալի չափով զատված էր լինում դարմանից և մոտենում էր իսպառ գտվելուն ու շեղք կազմելուն: Պուրաքանչյուր կալատեր պետք է ամբողջ գիշերն արթուն հսկեր և անխափան պահեր դաջակնիքները, որոնց խախտվելու դեպքում շահնան վնասված շեղքից կը վերցնե արժանի բահրա, որքան ինքը կորոշեր:

1900—1907 թթ. Քիչմիշթափա գյուղի տարեկան բահրան վարձակալության էր վերցվում 800—1000 սոմար հացահատիկով: Մեկ սոմարը 12 կոտ կամ շանաղ է և հավասար է շուրս փթի կամ 2/3 ցենտների: Այսպիսով՝ Քիչմիշթափա փոքրիկ գյուղն ամեն տարի Այպար-խանին միջին հաշվով բահրա էր տալիս 900 սոմար կամ 600 ցենտներ (3600 փութ) հացահատիկ, հիմնականում՝ ցորեն:

Հողագործության ասպարեզում Քիչմիշթափա գյուղի բնակչությունը բաժանվում էր հետևյալ խմբերի:

3 Թե խաները ո՞ր ժամանակից սկսած բահրայի չափ էին դարձրել բերքի հնգնորդը, այդ մասին տեղեկություններ չկան:

Հայտնի է, սակայն, որ մինչև Մակվա մարզի արքունական գյուղերի սեփականացումը սարդար Ալի-խանի ու նրա ժառանգորդների կողմից՝ մհալի բոլոր գյուղերում բահրայի չափը տասանորդն էր: Տասանորդի չափով էր բահրա գանձվել հարեան նախիջեանի ու Նրեանի խանությունների նաև մուլքադարական գյուղերում՝ մինչև այս երկրամասերի միացումը Ռուսաստանին (1828 թ.):

ա) Համվիլս՝ 40-ական սոմար ցանքատարածություններ 8 ծուխ			
բ) Կիսուն՝ 20-ական »	»	»	26 »
գ) Պճեղ՝ 10-ական »	»	»	14 »
դ) Ցանքադուրկ ⁴ »	»	»	12 »

Ընդամենը -- 60 ծուխ

Մակվա մարզում միջակ գյուղացու հատկանիշը կիսանն էր:

Եթե Քիշմիշթափա գյուղի ցանքատեր բոլոր տնտեսություններն այդ շափանիշով վերածենք կիսանի, կստանանք 50 կիսան: Բաժանելով այս թվի վրա ամբողջ գյուղից գանձվող 900 սոմար բահրան (տարեկան միջինը), դուրս կգա, որ Քիշմիշթափա գյուղի միջակ տնտեսությունից տարեկան գանձվում էր 18 սոմար կամ 12 ցենտեր (7% փութ) բահրա: Բայց այսպիսի հավասարեցուցիչ բաժանումը թվաբանական-մեխանիկական է: Իրականում ղրությունը շատ ավելի ծանր էր միջակ, նամանավանդ չքավոր տնտեսությունների համար: Պետք է հաշվի առնել, որ ունևոր տնտեսությունների՝ համախանների ձեռքում կենտրոնացված էին գյուղի լավագույն հողերը: Դրանից զատ նրանք ունեին արտերը պարարտացնելու հնարավորություններ (զոմաղը ու լժկաններ), ուրեմն և միշտ էլ ապահովված էին բարձր բերքով: Հացահատիկային ցանքերի բերքատվությունն այս խմբում հաշվում էին 1-ին 7—10 և ավելի: Միջին բերքատվությունը կարելի է ընդունել 1-ին 8: Միջակ տնտեսությունները՝ կիսանները, ունեին համեմատաբար թույլ հողեր ու պարարտացման շատ սահմանափակ հնարավորություններ: Բերքատվությունն այս խմբում հաշվում էին 1-ին 5—8, միջինը՝ 1-ին 6: Չքավոր տնտեսությունների՝ պճեղների հողաբաժինները ցածրորակ էին: Արտերի պարարտացումն իսպառ բացակայում էր նրանց մոտ, ունեցած զոմաղը փառելիքի պահանջն իսկ չէր բավարարում: Այս խմբին պատկանող, ինչպես և բատրակների, ընտանիքները հարկսուղրված էին հանդերում, նախիրների հետքերով հավաքելու շորացած աթարը և կուն ու թրիքը: Բերքատվությունն այս խմբում հաշվում էին 1-ին 4—6, միջինը՝ 1-ին 5: Իրականությունից առնված այդ միջին տվյալների հիման վրա կազմելով Քիշմիշթափա գյուղի տնտեսությունների երեք խմբի համար ցանքերի ու բերքի մուտքի ու ելքի աղյուսակ, ստանում ենք հետևյալ պերճախոս թվերը:

Խմբեր	Ծանքատարածություն	Միջին բերքատվություն	Ընդհանուր բերք	Ելք (սոմար)			Համախառն արդյունք (սոմար)
				բահրա	սերմացու	զուլ-մար	
Համափա	40 սոմար	1-ին 8	320 սոմար	64	40	104	216
Կիսան	20 »	1-ին 6	120 »	24	20	44	76
Պճեղ	10 »	1-ին 5	50 »	10	10	20	30

Աղյուսակի ելքի սյունակի տվյալները ցույց են տալիս, որ բահրան ու սերմացուն կազմում են համախառն կամ ունևոր տնտեսության ընդհանուր բերքի 32,5%, ուրեմն համախառն արդյունք մնում է բերքի 67,5%: Կիսանի կամ միջակ տնտեսության համար համապատասխան թվերն են՝ 36,6% և 63,4%, իսկ պճեղի կամ չքավոր տնտեսության համար՝ 40% և 60%:

Ամենից ավելի ուշադրություն են բևեռում իրենց վրա աղյուսակի վերջին սյունյակի բացարձակ թվերը: Ամբողջ տարում տարած աշխատանքների դիմաց, բահրան ու սերմացուն դուրս գալուց հետո, համախառն կամ ունևոր տնտեսությանը մնում է 216 սոմար (864 փութ) հացահատիկ, կիսանին կամ միջակ տնտեսությանը՝ 76 սոմար (304 փութ), իսկ պճեղին կամ չքավոր տնտեսությանը՝ 30 սոմար (120 փութ): Այստեղից պարզ է, որ նաև անասուններով ու համապատասխան եկամուտներով ապահովված ունևոր ծուխը միայն ցանքերի եկամուտով միշտ էլ ապահովված էր հացով (տարեկան 30 սոմար ամբողջ ընտանիքի համար): Դրանից զատ տնտեսության էլ ավելի ուժեղացման համար ունևոր ծխին մնում էր զգալի ավելցուկ՝ 186 սոմար (714 փութ): Միջակ ծուխը, որն ուներ անասնապահական սահմանափակ եկամուտներ, հացահատիկային աննշան ավելցուկ ուներ՝ 46 սոմար, որով և նա սլիտի հոգար տնտեսության և

⁴ Այդ թվում բատրակներ՝ 4 ծուխ, խանութպաններ՝ 3 ծուխ, շրջիկ առևտրականներ՝ 2 ծուխ և արհեստավոր՝ 3 ծուխ: Հայ բնակչությունից զատ Քիշմիշթափա գյուղում մշտապես ապրում ու բատրակություն-հովվություն էին անում քրդական երկու ընտանիք:

ընտանիքի մնացած բոլոր կարիքները: Չքաւոր ծուխն իր խղճուկ ցանքսերի համախառն եկամուտով կարող էր փակել ընտանիքի ցամաք հացի պահանջը միայն, իսկ այդ եկամուտի մի մասը հազուստեղենի հատկացնելու դեպքում ընտանիքը պիտի դառնար կիսաքաղց ու կիսամերկ: Եթե համատարած այս պատկերին հակադրենք արտադրական ֆունկցիա շունեցող, ուրեմն և պորտաբույծ Այպար-խանի բազմաթիվ գյուղերի միայն մեկից՝ Քիշմիշթափա փոքրիկ գյուղից գանձվող 900 սոմար տարեկան բահրան, ապա հասկանալի կդառնա աշխատավոր գյուղացիության, մանավանդ չքավոր ու միջակ տնտեսությունների ատելությունն ընդդեմ խանական-ֆեոդալական կարգերի, նրանց ցասումն ընդդեմ ամբողջ բերքի հնչնորդի շափին հասցրած բահրայի և ուրիշ պարտույթների:

բ) Բահրայի գանձման կապակցությամբ խսնակաճ գյուղը սլարտավուր էր սնունդ ու կերմատակարարել շահնային, նրա սպասավորին ու ձիուն՝ ամբողջ բերեաճավափի ընթացքում: *Պրանից գատ*՝ ամեն անգամ կալը շափելիս ու բահրան գանձելիս գյուղացուց հավելյալ վերցվում էր շահնայի բաժինը՝ մեկ շանաղ (կոտ) հացահատիկ:

գ) Գանձված բահրան ամբարվում էր գյուղացիների հաշվին վաճված հատուկ պահեստում: Բահրան այնտեղ լցնելուց առաջ պահեստի դուռը կնքվում էր կնիքով, իսկ աստիճանաբար գանձվող բահրայի պարկերը գյուղացիներն իրենից կուտ ու կտրան երդիկից դատարկում էին պահեստ: Ամբողջ բերքի կալսումն ու բահրայի գանձումը լիովին ավարտվելուց հետո խանի հատուկ ներկայացուցիչը ժամանում էր գյուղ, քանդում էր պահեստի կնիքը և շափելով ընդունում էր բահրայի պայմանավորված քանակությունը: Այդ քանակից ավելին շահնայի շահույթն էր, անցնում էր նրա ազատ տնօրինությանը: Եթե պահեստում ամբարված բահրան պակաս էր դուրս գալիս պայմանավորված քանակից, խանն այդ պակասորդը գտնում էր շահնայից: Բահրան ընդունող խանական ներկայացուցիչը շափած և ընդունած բահրան գյուղացիների ձեռքով ու միջոցներով փոխադրում էր խանի կողմից մատնանշված վայրը (Մակվա պահեստներ, ջրաղացներ և այլն):

դ) Պարտույթներից ամենածանրը գյուղացիների համար՝ այս խանական ձիեր պահելը, խնամելն ու կերակրելն էր ձեռնովա ամիսների ընթացքում: Խաներն ունեին իրենց սեփական ջոկերը՝ կազմված ազնվացեղ ձիերից: Ճարվա տաք եղանակներին ջոկերն աղափարադ պահվում էին մարդագետիներում և արոտավայրերում, իսկ ձեռնովա ընթացքում (շուրջ 4 ամիս) ձիերը պահելու-խնամելու էին տրվում խանական գյուղերին: Այս պարտույթի կատարումն առանձնապես ծանր էր դառնում երկարատև ձմռան վերջերին, երբ պակասում, նույնիսկ սպառվում էին գյուղացիների հավաքած կերի պաշարները:

ե) Գյուղացիական պարտույթների շարքին էր պատկանում ամառանոց բարձրացած խանին և ընտանիքին հավ. նուտ և ձու մատակարարելը: Խաների ամառանոցը գտնվում էր Մակվից 12 կիլոմետր հեռավորության վրա, հրաշալի աղբյուրներով հարուստ Կարախաշի գովաստուն, ծաղկաշատ ու զեղատեսիլ լեռնահովտում: Քիշմիշթափա գյուղի ոռոգման էլ (տանուտերը) ամառվա ընթացքում մի քանի անգամ հավաքում ու Կարախաշ էր տանում որոշ քանակությամբ հավ, ճուտ, ձու: Այս պարտույթի շափն ինչպես հայտնի չէ, բայց ինքս անձամբ ականատես եմ եղել այն բանին, թե ինչպիսի աղմուկ, հայհոյանք և անեծք էր առաջացնում այս պարտույթի գանձումը դեղջկուհիների շրջանում: Գյուղացիների վրա բավական թանկ էր նստում խանի կամ նրա ընտանիքի որևէ անդամի գյուղում հայտնվելը, որ տեղի էր ունենում տարեկան մի քանի անգամ: Երբեմն այդպիսի այցելությունը կատարվում էր ամբողջ խմբով: Խանը կամ նրա որդիներն իրենց ծառաներով, թագիներով (որսկան շներով) ու բազեններով որսի էին ելնում և ճանապարհին իջնում գյուղ՝ հանգստանալու-սնվելու համար: Գյուղը պարտավոր էր ամեն անգամ ըստ պատշաճին ընդունել ու գոհ ճանապարհել այդ անկող հյուրերին, կերակրել նրանց՝ ծառաներով, ձիերով ու թագիներով հանդերձ:

Վերոհիշյալ տուրքերն անփոփոխ կերպով, իսկ պարտույթներն աննշան զանազանությամբ ծանրացած էին ամբողջ Մակվա խանության գյուղացիության շարքաշ ուսերին: Այդ ծանրությունը մասամբ մեղմելու, սովից ու մերկությունից ազատվելու միակ միջոցը, հատկապես չքավորական մասսաների համար, աշխատավորական վաստակի մեկնելն էր դեպի Ռուսաստան:

4. Գյուղացիական շարժումը

1907 թվականի ամառվա սկիզբն էր:

Այդ ժամանակ ևս 18 տարեկան պատանի էի, փոխադրվել էի Նրեանի հայոց թեմական դպրոցի 5-րդ դասարանը (ուսման 8-րդ տարի): Օգտվելով ամառային արձակուրդից՝ ես Նրե-

վանից մեկնեցի ծնողներին մոտ։ Երևան—Ջուլֆա նորակառույց երկաթուղադժի Շահթախտ կայարանի մոտ լարանավով անցա Արաքսը և Արարիար գյուղում ձի վարձելով՝ ճանապարհվեցի Մակու։ Հասնելով Մակու, իմացա, որ ամբողջ մարզում ծավալվել է գյուղացիական մեծ շարժում, որ սարդարը կարողացել է ծլկել Ռուսաստան։ Քաղաքը համարյա թե կտրված էր գյուղերից։ Հաջորդ օրը ծեղին ինձ արթնացրին ու հաղորդեցին, որ քաղաքի ամբողջ շրջակայքը դրավել են խաների դեմ կովի ելած գյուղացիները։ Մակու քաղաքը տեղադրված է արևմուտքից-արևելք ձգվող երկու վերամբարձ լեռնաշղթաների արանքում ընկած ոչ այնքան ընդարձակ, բայց գեղատեսիլ հովտում, որի միջով ժայռապատ խոր հուն բացած հոսում է Զանգի-մար գետը՝ Արաքսի աջափնյա վտակներից մեկը։ Մակվա վիթխարի քարածայրի տակ, ոչ շատ ընդարձակ գոգում կծկված է քաղաքն իր նեղլիկ փողոցներով ու միմյանց վրա կուտակված, հողածածկ կտուրներ ունեցող շենքերով, որոնց կողքին շեշտված կերպով աչքի են ընկնում խաների առանձնացած ամարաթներ-պալատները։

1907 թ. հունիսյան այդ պայծառ առավոտին Մակու քաղաքը պատնեշող լեռնաշղթաներն արտակարգ պատկեր էին ներկայացնում։ Նրանց վրա վիստում էին հազարավոր մարդիկ։ Բոլոր բարձունքներից լսվում էին զուռնա-թմբուկի ձայներ։ Մակվա խանության զինված և անզեն գյուղացիներն էին դառնում, ու ռուսական առաջին հեղափոխության հուժկու ազդեցությամբ արթնացել ու զլուխ էին բարձրացրել իրենց շահագործողների դեմ և տեղեւում իրենց խորհուրդները՝ առջումաները հաստատելուց հետո եկել-շրջապատել էին խանական ուրջը. ուսպեսզի գրավեն ան ու ոչնչացնեն խանական հողատիրությունը, ֆեոդալական իրավակարգը։

Հարավային լեռնաշղթայի, մասնավորապես հյուսիսային քարածայրի կողմից քաղաք իջնելը բոլորովին անկարելի էր գյուղացիների համար։ Հնարավոր չէր քաղաք ներխուժել նաև արևելյան նեղ կիրճի կողմից։ Այս իսկ պատճառով ապստամբ գյուղացիներն իրենց զլխավոր ուժերը կենտրոնացրել էին արևմտյան կողմում, որտեղով անցնում է Բայազիտ տանող ճանապարհը։ Այս միակ մատչելի կողմից քաղաք մտնելու համար գյուղացիները պետք է անցնեին Սևակամուրջը, որի հանդեպ իշխող դիրք էր զբաղում քաղաքի Հայկական թաղի վերևում գտնվող, մեծ քարազանգվածներով ծածկված բլուրը։ Խանականներն իրենց ուժերը կենտրոնացրել էին այդ բլրի վրա և կատաղի կերպով զնդակոծում էին Սևակամուրջին մոտենալ և անցնել կամեցող գյուղացիներին։

Երկրորդ օրը երեկոյան դեմ Այպար-խանը, որ սարդարից հետո ավաղն էր հաշվվում խաների մեջ, իր նժույգի գավակն առած մահմեդական հողեկորականության առաջնորդին՝ մուշտայիդին, քաղաքից սրարշավ անցավ դեպի Սևակամուրջը։ Նա բարձրաձայն բղավում էր. «Աթմայլըն, աթմայլըն (մի՛ կրակեք, մի՛ կրակեք)։ Բլուրի վրա հրացանաձգությունը դադարեց։ Եվ հենց այդ դադարից օգտվելով՝ արևմտյան դիրքերից հարձակվող գյուղացիներն անցան Սևակամուրջը և Պատիկ-չայի ծառապատ ավերով աճապարեցին դեպի խանական դիրքը։ Բլուրի վրա պայթեցին հրացաններ... Խանականները խուճապի մատնվեցին ու դիմեցին փախուստի բուն քաղաքի կողմը, թողնելով սպանվածներ ու վիրավորներ։ Գյուղացիները զոհեր չունեցան։

Բլուրը դիտելի էր հարավային լեռնաշղթայի բոլոր բարձունքներից, ուստի կատարվածն անմիջապես հայտնի դարձավ այնտեղ գտնվող գյուղացիներին, որոնք հեղեղի նման մղվեցին դեպի քաղաք։ Մութը դեռ չընկած՝ քաղաքի արևմտյան արվարձանն ու Հայկական թաղն ապստամբների ձեռքին էր։ Խաները լուր էին տարածել, թե քաղաքը գրավելու դեպքում գյուղացիներն առաջին հերթին պիտի վնասեն ու կողոպտեն հայ բնակչությանը, որը մեծ երկյուղի ու շփոթության մեջ փակվել էր տններում։ Հայկական թաղը, որը թուրքերի ղեկավարությամբ կոտորածի ու ավերման ենթարկվեց առաջին իմպերիալիստական պատերազմին հաջորդած տարում (1919 թ.)՝ գտնվում էր քաղաքի արևմտյան կողմում, Բայազիտ տանող ճանապարհի տակ ընկած առանձնացած տարածության վրա։ Թաղի ներքևում մոնչալով հոսում է Հանդիմարը, իսկ վերևում կարկաչում է Պատիկ-չայը։ Այդ երկու գետերի արանքում հյուսիսից-հարավ իջնող մի քիչ թեք հարթության վրա ձգվում էր մի ուղիղ փողոց, որը երկու կողմերում ուներ նեղլիկ ճյուղավորություններ։ Հայկական թաղն ուներ շուրջ 65 տուն բնակչություն, որի ճնշող մեծամասնությունն արհեստավորական էր (ոսկերիչներ, զինագործներ, դարբիններ, պալատապետներ, քարտաշ-որմնագիրներ և այլն)։ Կային մի քանի մանր առևտրականներ, ինչպես նաև խանների ծառաներ (ձիապան-ջուրեպաններ, պարտիզպաններ և այլն)։ Իմ պապն, օրինակ, քարտաշ-որմնագիր էր, հայրս՝ դարբին, քեռիս՝ պալատապետ։ Ես իջել էի քեռու տանը, որովհետև մեր ընտանիքն ապրում էր Քիչմիշ-թափա գյուղում, որ այդ օրերին նույնպես կտրված էր քաղաքից։ Չկարողանալով տանել խանների կամայականությունները՝ հայրս հրաժարվել էր նրանց համար ձրիարար աշխատելու հարկադրանքից, ընտանիքով տեղափոխվել էր դյուղ և զբաղվում էր զլխավորապես անասնապահու-

թյամբ, որի համար հատուկ տուրքեր գնուհս չկային: Մթնել էր արգեն, երբ գյուղացիների շար-
քերում գտնվող հայրս եկավ Հայկական թաղը և հանգստացրեց նրա հուզված բնակչությանը, որ
տարածված լուրերը սուտ են, ապստամբ գյուղացիները հայերին գիպչելու կամ վնասելու ոչ մի
ցանկություն ու տրամադրություն չունեն: Եվ իրոք, խաների գեմ ելած ագրբեջանցի գյուղացի-
նք միայն չմնասեցին հայերին, այլև շմտան ոչ մի տուն, չծեծեցին ոչ մի գույս:

5. Խռնակ ու պարտություն

Մակվա արևմտյան կողմի գլխավոր գիրքը գրավելուց և ծաղաթի այդ մասին տիրելուց հետո
գյուղացիների շրջանում երեսն եկավ անվստահանություն: 'Իրա գլխավոր պատճառը, թերևս,
հատուկությունն անակնկալ ձեռք բերելն էր ու մթության վրա հասնելը՝ Փաստն այն է, սակայն,
որ անսպասելի հաջողությունից հետո գյուղացիներն առաջ չշարժվեցին, չգրավեցին բուն ծաղաթն
ու խանական որջերը, գինաթափ շարին խաներին ու թանականներին, այլ խառնիխուռն մնացին
գիշերելու Հայկական թաղի շրջակայքում: Եվ այս խառն շատ շեշտված կերպով բացահայտում
է Մակվա խանության գյուղացիների առաջին մեծ շարժման ամբողջ տարեհունարյունը, գրառ-
քում է կուտ կազմակերպության ու կարող ղեկավարության խաղաղ բացակայությունը մասսա-
յական այդ շարժման մեջ: Մոթն բնկնելուց մոտ ժամ ու կես անցած՝ կայծակի արագությամբ
լուր տարածվեց, թե սարգարը Մասիսի քուրդ բեկերի հեծելազորի զուխ անցած արշավում է
գեպի ծաղաթ: Այստեղ, ահա, երեսն եկավ Այլար-խանի ու մուշտայի գործելակերպի ամբողջ
խորամանկությունն ու դավադիր բնույթը: Իրազեկ լինելով ցարական Ռուսաստան անցած սար-
դարի ծրագրին ու ծայլերին և շատ լավ իմանալով, որ լեռնային տիրապետող բարձունքները
գրաված գյուղացիության վրա արձակվելը շատ զովար կլինի սարգարի համար, նրանք չնչին
զոհեր տալու գնով գյուղացիներին իրենց լեռներից ու լցրին Մակվա փոսը: Սանդղած այս
աննպաստ գրությունն էր, որ խուճապի մատնեց Հայկական թաղի շրջակայքում գիշերած
գյուղացիներին: Սակայն այսպիսի պայմաններում էլ կուտ կազմակերպության ու հմուտ ղեկա-
վարության առկայության գեպում կարելի էր հաջողության հասնել: Գյուղացիները կարող էին
դարան մանել ծաղաթի արևմտյան մասերի չափազանց նպաստավոր դիրքերում, ներս թողնել
սարդարին ու թրդական բեկերի հեծելազորին և գլխովին ոչնչացնել նրանց: Այս ուղղությամբ
մտածող, ծրագրող ու կազմակերպող չեղավ: Գյուղացիությունը դիմեց տարերային փախուստի:
Լուրն ստացվելուց մոտ մի ժամ հետո սարգար Մուրթուզա-Կուլի խանն անարգել մուտք գործեց
ծաղաթ: Նրա առջեից ու ետեից զուգաշար գալիս էր թրդական սպառազինված հեծելազորը: Հե-
տադայում հայտնի դարձավ, որ Ռուսաստան անցնելն էլ նախապես ծրագրված է եղել սարգարի
կողմից: Հյուրընկալվելով Նրեանում Փանահ-խանի մոտ՝ նա ցարական կառավարությանն է
դիմում և ստանում մոսխն հրացաններ, պետական բռնկ դրած իր գումարներից վերցնում է ան-
հրաժեշտ քանակությամբ ոսկեզրամ և անցնում է Մասիսի թրդական ցեղերի առաջնորդ բեկերի
մոտ Առաջին իմպերիալիստական պատերազմից առաջ Փոթր Մասիսի լանջերն ու արոտները
գրավված էին թուղորական աճասնապահությամբ, գլխավորապես խաշնարածությամբ գրավող
թրդական ցեղերով (չալալցի, կանգրկցի, բուրկցի, մլանցի, չնրկցի և այլն): Թրդական ցեղերի
առաջնորդներն ու բեկերը հաճախ գիմում էին ասպատակությունների ու կողոպուտների: Երբեմն
նրանք անցնում էին Արայսը, մուտք գործում Երևանի նահանգի խորքերը, հասնում ամառային
արոտավայրերին (Այրիչա, Ազմազան) և չլուծ-տանում էին հարյուրավոր անասուններ: Ամա-
ռային արոտավայրեր բարձրանալիս (գարնան վերջին) և ձմեռոցներ իջնելիս (աշնան սկզբներին)
թուղոր ցեղերն իրենց բյուրավոր խաշներով ու անասուններով անցնում էին ճանապարհներին
բնկած գյուղերով, արածացնում էին նստակյաց գյուղացիների հանդերը: Իր հաշիվներից ելնելով՝
սարգարը մատնների արանքով էր նայում թուղորների այդպիսի խժողություններին: Թրդական
թուղոր ցեղերը սարդարին վճարում էին մեկ տուրք միայն՝ յուրաքանչյուր վրանը մեկ ոսկեզրամ
(10 ուրի): Այդքան էր վճարում թե մի քանի ուխար ու այժ ունեցող վրանը և թե հազարավոր
խաշներ ու հարյուրավոր ձի ու տավար ունեցող ցեղապետը, բեկը կամ աղան: Հողային տուրք
էլ դրություն չունեի թուղոր ցեղերի համար: Արոտավայրերն ու մարդադետիներն օգտագոր-
ծում էին ցեղի բոլոր վրանները՝ ամեն մեկն իր ունեցած անասունների չափով: Այս ամենի գի-
սաց թրդական ցեղապետներն ու բեկերը պահանջված ժամին սարդարի հլու կամակատարներն
էին: Մասիսի լանջերն անցած սարգար Մուրթուզա-Կուլի խանին թրդական ցեղապետներն ու
բեկերը գրկաբաց բնդունեցին նաև այն պատճառով, որ նա բերել էր չափազանց գրավիչ նվեր-
ներ՝ մոսխններ ու ոսկի: Սարգարի կողմից բնդեմ գյուղացիների ծրագրված արշավանքն էլ շատ
գրավիչ էր, որովհետև անարգել կողոպուտների լայն դուռ էր բացվում նրանց առաջ: Եվ նրանց

բոլոր սպասելիքները լիովին արդարացան իրականում: Մակու հասնելու հաջորդ օրը, վաղ առավոտից սկսած, բեկական հեծելադորն, բստ սարդար Մուրթուզա-Կուլի խանի հրամանի, հետապնդելու դուրս եկավ դեպի իրենց խղճուկ խրճիթները փախչող գյուղացիներին: Խանական իշխանությունը դեմ դենք բարձրացրած ամեն մի գյուղացու տեղն ու տեղը սպանելու համար սարդարը բեկերին խոստացել էր 2-ական արծաթ թուման (4 ռուբլի՝ ռուկեդրամով): Սպանվածների զենքը, հագուստը և ամեն ինչը դահիճների տնվիճելի ավարն էր հանդիսանում: Այդ արնոտ օրը բեկական ձիավորները փոքրիկ խուրջիկների մեջ սարդար Մուրթուզա-Կուլի խանին մատուցում էին մարդկային կտրած ականջներ և յուրաքանչյուր շուրջ ականջի դիմաց ստանում էին 2-ական արծաթ թուման...

6. Կարա-Հարիրը

Մակվա հյուսիսային քարաժայռի բարձունքները գրավել էին մերձարաքսյա գյուղերից խաների դեմ ելած գյուղացիները: Նրանց շարքում էր Կարաթափա գյուղի գավակնորից լավագույնը՝ Կարա-Հարիրը: Նա Լղել էր Ռուսաստանում, ուր մեկնել էր աշխատավորական վաստակի՝ կիսաքաղց յուր ընտանիքի կարիքները հոգալու համար: Աշխատել էր երկաթուղային շինարարության վրա՝ իրեն սեփականում բանվոր: Այժմ Կարա-Հարիրը իրենց շրջանի գյուղացիների գլուխն անցած եկել, գրավել էր Մակվա հյուսիսային քարաժայռի բարձունքները: Կարա-Հարիրն ու իր ընկերներն անիրազեկ էին մնացել Մակվում կատարված վերջին իրադարձություններից: Մեկ էլ նրանք տեսնում են դեպի իրենց արշավող բեկական հեծելախմբին: Կարճատև կովում գյուղացիները տալիս են մի քանի զոհ, իսկ շատերն օգտվելով լեռնային պայմաններից՝ կարողանում են անցնել դեպի գյուղերը: Կարա-Հարիրին չի հաջողվում գյուղ անցնել: Նա կովելով նահանջում է դեպի հսկայական քարաժայռը և մեծ դժվարությամբ իջնում ու պատսպարվում է նրա վիթխարի պարսպի մեջ բացված ալյուրից մեկում: Կարա-Հարիրին հետապնդողները սիրտ չեն անում մոտենալու քարաժայռի բերանին անգամ, էլ չեն խոսում քարայր իջնելու մասին: Նրանք պահակներ են թողնում քարաժայռի գլխին և Կարա-Հարիրի լուրը բերում են սարդարին: Վերջինս կարգադրում է պահակները չվերցնել ու սովամահ անել քարայրում պատսպարվածին: Կարա-Հարիրը երկու օր անվտանգ մնաց քարայրում, ժամ առ ժամ ավելի և ավելի բորբոքելով սարդար Մուրթուզա-Կուլի խանի անգոր կատաղությունը: Տեսնելով, որ հարկադրման միջոցով անկարելի է քարայրից դուրս բերել բնությանն ապավինած Կարա-Հարիրին, սարդարը յուր դաժան գործն սկսեց իրականացնել փորձված միջոցին՝ դիմում: Մեր կողմից արդեն հիշատակված դավադիր մուշտայիցը սարդարի կարգադրությամբ մեկնում է քարաժայռի գլուխը և բարձրաձայն կանչում է Կարա-Հարիրին, թե սարդարն արդեն ոչնչացրել է յուր դեմ ըմբոստացածներին և այժմ իրեն՝ մուշտայիցին ուղարկել է առաջարկելու, որպեսզի նա դուրս գա քարայրից ու ներկայանա սարդարին:

— Սարդարը խոստացել է այլևս արյուն չթափել: Ես իբրև մուշտայից իմ կողմից էլ երդվում ու հավատացնում եմ, որ սարդարը չի գլխատի քեզ, այլ շուտով ընդմիջտ ազատ կարձակի:

Քարայրը մտնելու երրորդ օրը երեկոյան, արևամուտից քիչ անցած, լուր ստացվեց, թե Կարա-Հարիրին բերում են: Քիչ հետո Բայազիտի ճանապարհի վրա երևաց բեկական հեծելազորի մի խումբ: Առաջին շարքի ետևում երևաց Կարա-Հարիրը: Նրան բերում էին բազմաթիվ ձեռքերով կապած, նրա ետևից ձիավորներ էին հսկում: Մոռյալ էր Կարա-Հարիրը...

Կես ժամ անց լուր հասավ, թե Բուղխանսյի (սուդյատսն) մոտ նավը լցնելով վրան՝ ողջ-ողջ հեկիզեցին Կարա-Հարիրին: Բուղխանան գտնվում էր Բայազիտի ճանապարհի վրա, սարդարի պալատից մոտավորապես քառորդ կիլոմետր հեռու: Բուղխանայի մոտից հոսում է Պստիկ-չայից ելնող մի առվակ: Հենց այդ առվակի եզրին, սարդարի պալատին դեռ չհասած, նույն ինքը սարդար Մուրթուզա-Կուլի խանի հրամանով Կարա-Հարիրի վրա լցրել էին մի մեծ աման նավթ ու գազանաբար հրկիզել ողջ-ողջ... Կարա-Հարիրի աճյունից ոչինչ չմնաց, նա գերեզման էլ չունի:

Կարա-Հարիրի անունը, որպես Մակվա մարզի գյուղացիության հեղափոխական առաջին շարժման մարմնացում, յուր պատվավոր տեղը կգրավի Իրանական Աղրբեջանի պատմության մեջ: